

Minista Munaqhiliqiiyitkunni
Minista munariyaqaqtuq Inminiiqtailinirmun

Hikutirvia 7, 2022

Ministangit Atuqtakhangit

Halu Minista Main,

Hivuliqtiplunga Nunavunmi, Titiraqtunga ilitugipkaijumaplunga atuqtakharnik **Minista Munaqhiliqijitkutni** (HEA). Angirutiqagiikhimajugut munagidjutiqaqtutin tamaat qanuriliuqtunun hulilukaarutingnik havaktauhimajut havagvingni, ilaujut:

- Tunihimaqtun aanniaqtailinirmut havarutit inungnullu pinahuarutikhat pimmarighariami aanniaqtailidjutain inuuhirkiinnilu Nunavunmiunni.
- Ilituqhainikkutlu allatqiingujut piumajaujut tamangni nunalaangit talvuuna pitquhiliqinikkut ihuaqtunik pinahuarutit ikajuutikhangitlu; unalu
- Havakhimaarlutik allatqiingujut piumaluuaqtunik hanaqidjutikhangit hulilukaarutikharniklu naunaijajaangat ikayuutikharniklu iniqtirutikharnik kavamangit atuqtakharnik Katujiluta.

HIVULLIUTIJUKHAQ QANURILIURUTIKHAT

Katujiluta ilauhimajuq hanaqidjutikhangitni hulilukaarutikharniklu tallimaniitunik piumaluuaqtajuni:

- Inirninguqtirniq ihumagittiaqtauluni Nunavunmi;
- Angiklihaqjuummirlugu iglukhaqarnikkut auladjutaa;
- Pipkainirnianik aanniaqtailinirnun mamiharnirnullu;
- Pilluaffaarumanirnik iliharnirnun; imaalut
- Angiklihaqtirnikkut nunallaaptikni piangajautikhanki.

Havakhimaliktugut ilaujukharnik upautikhnik piumaluagijaptingnik, taima pilimaitaangat havagviit kituliqaak aviktuqhimanirmi kuapuraisingit hivuliqtlimaitun kiudjutikharnik tamainik hanaqidjutikharnik piumaluuaqtaptingni havaanganik.

Angirutigivakhimajugut kiudjutiqaqtuhi hivuliqtijaangat piumaluuaqtunik hanaqidjutikharnik hulilukaarutikhangitlu ilitagijauhimajut ataani. Una ilaujuq naunaijainiq nalaumadjudutikharnik tutqikhaidjutikharniklu hanaqidjutikharnik avatingni Nunavut Kavamangit havaqatigijaptingnilu, ihuarutiqaqhimajuni.

Hivuliujuq piumaluuaqtajuuq, angirutiqagiikhimajutin havagianganik qilaminuaq hanaqidjutikharnik ukuninga:

- Havaqatigilugit Havagiat Nunalingni Kavamatkunnillu Pivikhaqautikkut (CGS) iniqtigijaangat napaktiqtunik Kivallirmi Hivutunirmik Munaqhivikharnik iglungit 2023nguqtinani;
- Aulanikkut Nunavunmi Mamitirvikharnik Katimavikhaq havagiikhimajuuq pinahuarutit havaaqhangit havaqatigilugit ilaujukharnik pivalliadjudutikharnik havaqatigijuktun piqaqtun Inuinarnik havaktiqaqtun

pingahunik avikturvingmi Nunavut Tunngavikkutlu, aulahimaaqtunik uqaqtanik Iningnikhat avikturvingmilu inuuhirinikkut havagviangit (2022-23); unalu

- Aulatilitutik piumaluaqtaingit Ihumaliqinikkut Aanniaqtiliqinikut Maligaq malikhautikhangit (2023-24) unalu tamaat malikhautikhangit (2024-25).

Ikajugianganik malikhautikharnik hivunikharnik hanaqidjutingnik kavamaptingni, angirutiqagiikhimaliqtutin imailiugiangat:

- Hivuliqtulutik havaqatigiiktukhatlu havagviit Pitquhiliqiyitkut (CH), Ilinniaqtuliqijitkut (ED), Inulirijikkut (FS), Havaktuliqijitkut (HR), Maligaliqijikkut (JUS) ikajuutikharnik llauqatigiiktun Inuuhiirinikkut havaqatigiiktun nuutaanguqtirnukkut Nunavunmi Inminiiqtailinikkut Hanaqidjutikharnik Upalungiarutikharnik ihumagijaangat qaffiujut havagviingit kiudjutikharnik talvuuna iniminiqtailinikkut ikajuutikharnik hanaqidjutikharnik (2022-23);
- Havaqatigilugit CGSkut qinighiajaangat atuqtakharnik nalvaaqhijaangat napaqtigianganik Qikiqtaalukmi Kitikmeotmilu hivutunirmik munagivikharnik igluqpangmik ihuarjumiqtitjaangatlu aulahimajuq munaghivik iglungit Nunavunmi (2022-23); unalu
- Ilalutik ilautilunik talvani Tukhiqtauhimajunik Napaktiqhimaaqtunik Iglunik Havaqatigiitunik (tapkuninga Inulirijikkut, Maligaliqijitkut, Nunavunmi Igluliqijurjuatkutlu) talvani igluliliuqtunun piumajunik piqarlutiklu ihivriudjutikharnik ilitagijaangatlu piumaluaqtaingit nunalaangit Iningnikhanun nanminirijanun, ikajuktikhailiuqtunun inuuhmaagianganik iglukharnik; ilaliutilugit nunalaani katitirutikharnik tunijaangat ikayuutikharnik; pivalliajaangatlu nanminirijanun havaktukharnik (2023-24).

ILAUJUT KIURUTIKHANGIT

Ilaujukharnik talvani atuqtakharnik piumaluaqtaainik titiraqhimamajut qaangani, kiugiaqaqtutinlu taimaitkuvin:

- Minista munariyaqaqtuq Inminiiqtailinirmun
- Ikhivautaulutin talvani Ministait Katimajiuut talvani Ikajuktikhailiuqtunun Aanniaqtun, Mamitiqhimaaqtun Inutqualiqtun Aqualiqtununlu
- Ilaujut Ministait Katimajiuut talvani Ihumaliuffaarniq talvuuna Ilihainikkut Ajuiqhautikharniklu
- Katimajiuut Ministangit Katimajiit, Piumaluaqtaujunik, Upalungiarnikkut, Havaqatigiirnikkulu

Ikhivautaujuq Ikhivautaulutin talvani Ministait Katimajiuut talvani Ikajuktikhailiuqtunun Aanniaqtun, Mamitiqhimaaqtun Inutqualiqtun Aqualiqtununlu, aulatitiniaqtutin naunaijailutinlu havaqatigiiktukharnik Ministanik havagvingit atuqtakharnik ituni piumaluaqtaainik aulahimajut talvuuna inutqualiqtunun aqualiqtununlu ihuaqtumik idjuhiqarnirmik Nunavunmi pijaangatlu aanniaqtailinikkut mamilirutikharniklu.

HAVAQATIGIIRNIKKUT

Katujjiluta atiinaungituq uvani atuqtakhaftingniituq. Malikhautikhqaq hivunikhaliurutiqaqhimajuq naunairutiqaqtuq atuguminaqtumik auladjutikharnik qanuq havaqatigiirniaqtugut atautimiitluta iniqtigijaangat uqagiikhimajaptingnun Nunavunmun. Ilitugipkaktilutin piumaluaqtangnik, ajungnairutiqaqhimajunga taimailiurniaqtugut:

- **Havangniaqtavut Ministangit Katimajijiujutlu** aulatitijaangat iliqtigijiktakharnik aturniaqtaptingni;
- **Hviutunirmun akhuqhaidjutikharnik havaqatigiiktukharnik** Nunavut Tunngavikkut Timinga Avikturnirmiitun Inuit Katimajijingit nalautitijaangat hanaqidjutikhaptингnik hivunirmun naunaitumun auladjutikharnun;

- **Napaqtigijaangat katiqhimanikkut ikajuutikharnik amigairjumiqhimagut ihuarutikharnik Inuit havaktikharnik** talvani kavamanmi havakhimaaqtunik ikajuktunun; unalu
- **Tautuktithimaarlutiklu Inuit inuuqatigiingnikkut akhurutigijangit unalu Inuit Qaujimajatuqangit** hanaqidjutikharnik iniqtigijaangat naunaituq hivutunikharnik allanguqtirutikharnik.

Tuglia Atangujatigun kiudjutiqaqhimajurlu ikajukhimaarnikkut ilingnun tikiutijaangat havaktakharnik iniqtitijaangatlu munagidjutikharnik talvani itunik havaktamingnik naunaitkutingni. Munagidjutiqaqtutin tunijaangat naunaitunik havaktauhimajukharnik talvunga Tuglia Atangjarnun, ilaujutlu atuqtakharnik havaqatigiirnikkut iliqtigiirnikkutlu talvani hivutunirmilu Nunavut Kavamanmi.

Quviahuktunga niugiuktungalu havaqatigijaaffingni talvuuna pivalliadjudikahrnik naunairutiqaqhimajut havaqatigiirnikkut havakhimaarnirlu tutqikhaidjutikharnik havaqatigiirnikkut hanaqidjutikharnik ihuarutiniaqtun ubluq tamaat inuuhirnun Nunavunmiunun tungavikharniklu ajungnairutikharnik hivunikhapingnun.

Pittiarnikkut,



P.J. Akeeagok
Hivuliqt Nunavunmun

cc. Jimi Onalik, Tugliuyuq Ministamun Tikkuaqtauhimajununlu Katimajjut Titiraqt, Kavamaliqiiyitkunni